



弄

弄

遺

集



序

點處萬山中去郭十五里南湖瀦焉汪然寂然  
抱村而流水靈人秀於是乎在余竭來耳而羨  
之欲藉遊以延訪駿雄未果一日程生殺手殘  
編眎余曰此南湖雷岡詩人汪伯英遺箸也才  
而賢不過以死里之善伯英者將謀所以傳之  
敢以序請余受而讀其詩溫柔敦厚胎息風雅  
凡生平抑塞侘傺之氣形諸悲歌有感憤卒無  
怨怒則其爲粹然君子無疑也昔唐方干得名  
咸通文德間終不第歿十餘載始追贈一官而  
門人楊奔高僧居遠相與收其詩流傳至今今  
伯英身後雖無虛榮可博而故交掇拾斷爛冀  
有以不朽于世其眎元英先生後先同不同又  
何如耶乃爲敘數行而歸之時

道光癸卯早秋錢唐潘恭辰撰

序

一



序

士之蘊其所有不得足法施用  
而激昂慷慨又不甘泯沒以終身  
故發為詩文亦多豪放不羈  
之詞抑重雜樂之學若夫始  
抱才華中操痼疾倘境運之

序

中道思振拔而無自憂材符所積  
即借文詞以擅其煥邁學孫之  
懷古之人情注之可足余族兄  
白雲先生則不然先生性性  
孝友少承家學於書無所不  
讀所為詩文皆溫厚和平一掃

中正弱冠鑿聲夙業序流中  
久胡書卷先生視吾邦學  
奇生寸首振之吾廩業成五  
子安之目先出守治益勵世  
無陵士林諸名傑揮函絕險  
必窮其源心胸愈擴其以意增

序

二

兩地故多名士得其所化誠傳  
親新貴謂先生負美作才  
淫色鴻業尚為世用不幸父  
母相繼徂逝先生哀毀骨立  
率以喪明又復好施與坐忘  
困乏法書先生詩文之音不盡其

孝友性生宅心在存尤非受  
此易及志尚其偃蹇了室  
時左右圖書默記平生所誦習  
古為詩歌古文以見志若逢風  
日清美則與二三知己再指話  
舊或縱談書史名云錄錄握

序

三

惟不健如示去身之疾而遇之  
困者以祝直替所積借文詞以  
揔其懷適老臣相去為何如哉  
才先生之崇教吾族以文章熟  
也弟子於西學而然正志守數  
十人先生口誦指畫動以法則

至孤之學之士尤謬推多才十餘  
年間少俊之才皆拔擢而相余  
雖未獲從先生游亦飲聞先生  
之德福矣今先生歿已九年積  
之人及吾弟子未嘗一日忘先生  
也世集其遺稿而付之梓鳴呼  
先生之遇雖親而詩文皆從  
此亦朽庶稍慰先生且使吾  
輩之讀其詩文者如見先生  
於筆楮語意時也

莫所承恩拜撰并書

序

四



汪白雲先生遺集

汪白雲先生遺集

光紹

蕭莊

體源

清渠

光縉

笏山

洪淦

幹遠

受業

慎齋

啓祥

吉庭

憲章

達文

汝雯

雲孫

正海

硯府

鏡清

引年

天美遺集

杰 蘭士

光彥

心泉

問業

菊人

光紳

芥圃

子京

善平

夷白

一涵

虞笙

族弟

承恩

莫階

族姪

延福

男正浩

頤谷

同校

汪白雲先生遺集

板藏以文家塾



天美遺集

南湖 汪方鍾

遣懷

屈指韶光十五春了無情緒度芳晨天桃灼灼無言去

杖杜青青刺眼新予無兄弟有二姊俱已適人衰藥經年悲伯姊伯姊

今春縫衣何日答慈親始從家大歸來恐識歡情減人往府應試

強對燈前笑語頻

新詩改罷且乘閒好友相從水石間栖鳥折枝猶啄雪

冷雲礙日不歸山何人送煖籠薪出有客衝寒貫酒還

天美遺集

爲憶紅梅來問訊隔鄰深巷欸柴關

龍井茶歌次胡雪眉師韻

西湖茶莢春驚雷攜歸飲客行筭開活火烹煎乳花起

白如飴鹽甘如髓爲語社前飛意而茶生綠葉枝青皮


就中龍井一抔土孰攀龍髯鬪龍股龍女采茶山下吟

翩然驚起聲森森井畔遺茶不勝計蒼龍掉尾隨睥帝

摘來纖手造月團青螺一一堆銀盤茶煙直上入霄漢

元鶴避煙棲老幹蕭寺老僧初餽時酬之價重金縷絲

不識游龍幾時去風清月白無覓處



數日閒居  
月明炎暑退  
良夜屏銅荷  
蝸篆沿堦長  
螢光入戶多  
涼風生枕簟  
過雨潤庭柯  
對此心逾靜  
詩成子細哦

中秋微雨夜深月出

屏翳收風  
霾雲密中秋  
捉月月離畢  
恢恢天網無  
奈何宛轉姮娥  
淚痕溢雙瞳  
欲迸光漸枯  
三點兩點落  
明珠銀盤歌側  
走不定紛紛  
飄墮東南隅  
聞道月中多  
桂子把酒青天  
問不已不知  
玉筋濕衣襦  
疑是繩梯逞  
仙技今夕孤  
負好時光我  
醉先眠夜未  
央夢到廣寒  
最深處

天美遺集

二

嫦娥破涕舞霓裳

賞菊

六枳籬邊獨傲霜  
芳姿勁節殿秋光  
錦衣侍衛知多少  
捧出宮袍一色黃

剖橙擘蟹飲千觴  
紅燭燒殘夜未央  
醉把秋花比春色

沈香亭北牡丹香

御袍黃沉香牡丹皆菊花異名

風生白菊

鉛華不著更清香  
玉露滋來水一方  
笑指何人遙送酒  
驚看兩鬢忽如霜  
月中有意閒相伴  
花下無言漫欲忘

簾捲西風易遲暮停雲一色思茫茫

曉觀雲海雲蒸成雨作歌  
復山遠望黃山雲黃山雲海天  
下聞百里相隔雲相接  
彌天一色白紛紛有如瀛海環  
裨海山石不爛海不改  
黃山雲門似翦刀復山雙峰竦  
而待我來讀書寥廓居  
兼旬不雨雲亦無昨朝雷電相  
迫促白雲滿鳴馳轆轤  
既雨復晴爛星斗夜涼習習雲  
歸躡曙光催起看霽色  
揭來巖前轉巖後白雲如水水  
不流四面平鋪山若浮  
舉首仰天近咫尺俛聽海底生  
魚誼紅光激射日輪出

天美遺集

三

萬馬奔馳海水溢羣峰拍拍千  
艦翻擎絮條條一帆失  
須臾改變成寒煙煙霧漠濛上  
接天不見黃山隔煙霧  
白龍吸水空中懸罡風乍來雨  
暴注萬壑千巖皆洗露  
曠我置身仙島間依稀指點黃  
山樹

望石橋巖

但見山上橋不見橋下寺石路  
夕陽明歸樵度嵐翠

九日東序兄招同惜夫諸君小  
飲

年來無酒不登高有酒無山興  
亦豪絕勝甕閒偷醉臥  
何須畢卓更持螯

連日陰霧主人  
以無蟹辭故云

煨養字在難題詠湯餅遊閒競酒卮回憶去年高會罷  
隔溪人影夕陽時

去年重九釀飲西溪適千里族  
兄有弄璋之喜遂爲東道主人

九日邀同郁蘭菽原慎旃菴浦集飲雷岡中麓

松爲屏障草爲茵席地清談五六人乘興偶然開口笑

天風欲動不生塵

超然物外絕紛華深樹惟聞鳥語諱卻憶東籬老居士

獨逢佳節對黃花

白牡丹

姚黃左紫湧爭名第一花開品獨清玉合香生春幾度

天美遺集

四

瑤臺影上月三更眉看沒掃應含笑頰到紅銷便解醒  
記取佳辰逢百五休辭強飲賞瓊英

白桃花恭和 家大人次謝寄亭丈韻

玉樹長生未易刪無言掩映李溪間貯來晶枕渾同色  
開遍瑤池第一灣雪醜正宜和冷豔月明猶記種空山  
沒雲微雨天台別織手輕盈不忍攀

消寒雜詠

擁被

寂寂柴扉晝不開日高酣臥雪成堆奇溫未羨湯婆子

軟飽曾逢麴秀才山字吟肩雲抱護梅窗清夢鶴疑猜  
爲訪園蕉老居士可游五嶽賦歸來

縫裘

剪刀聲裏曉寒侵鍼綫千羊冷不禁禦臘解憐公子意  
補皮珍重故人心鷓鴣黃酒渾如夢鶴筆衝風又到今  
南國歡顏同廣夏香山賦罷一長吟

題馬遙甫

遠

時苗留犢圖

二首

蹊田訟息復何求不爲攀轅取犢留自是壽春添畜擾  
行人敢得邑人牛

天美遺集

五

牧民息息念官箴保赤如公惠愛深去後相思但看犢  
舐時曾切老牛心

雪中用東坡雪夜書北臺壁二首原韻

滿空飛雪尙廉纖陳陳風在冷更嚴人靜洞天邀玉戲  
夜深沙地漉晶鹽千聲竹韻宜樓瓦一片梨花襯帽簷  
攜屐欲尋高處望不知白遍數峰尖  
紛紛歸急亂棲鴉靄靄彤雲擁雪車無限湖邊皆玉樹  
一時枝上綴銀花遠山斂沒肩樵路深巷門通賣酒家  
殘柳板橋堪入畫然頭得句手頻叉

小遊仙詞爲友戲作  
犬吠金鈴一水間  
盈盈仙子下塵寰  
同來願進胡麻餅  
怕被羊車又引還  
采芝有約不重來  
桂子空期着意栽  
看殺瑤池諸姊妹  
隔窗擲果玉人回  
麝染琴香撥復挑  
雉羹麟脯夜招邀  
秋來更有桃花水  
暗逐殘雲過板橋

天美遺集

鳴鉦伐鼓聲喧闐  
紙旗颭颭臨風前  
柳枝作圈髮披領

天美遺集

六

柏葉爲繖巾拂肩  
父老焚香再拜起  
兒童拍手相迴旋  
僉云早魘勢炎赫  
天久不雨空憂煎  
山川祭祀效雲舞  
古人成法今人沿  
風師雨師不我顧  
癡龍酣睡藏淵泉  
我今四方上下求  
之徧投石激水驚龍  
眠驚龍眠龍蜿  
蜒擎雲攫霧飛上天  
雨我千頃萬頃之陂田  
我觀昨日心惻然  
曷不默叩蒼穹邊  
遙遙帝座通誠虔  
古禮近戲無乃偏  
瞥見密雲近天北  
雷公整駕電掣鞭  
濯枝洗葉苦不足  
東家雨被西家延  
金烏不逃蜥蜴死  
呼庚呼癸眞可憐  
不見市價朝更暮  
復改斗米又添三十  
青銅錢

赤蝶

日出扶桑影漸稀  
野蛾誰證落霞飛  
羅浮洞口砂盈袖  
宋國臺前血濺衣  
挂繭色隨烏白換  
騎桐花飼鳳車肥  
漢家火德當時旺  
饌徹曾迎武帝歸

黑蝶

北道誰言撻未稀  
鬼車昏暮作團飛  
披圖帝子傾元液  
較獵王孫晃鈇衣  
舊伴壺蜂情共適  
前身橋蠹體應肥  
身閒未免忙尋豔  
暗逐蘭香鳳髻歸

青蝶

天美遺集

七

碧梧翠竹望依稀  
頻逐蜻蛉款款飛  
簾外苔痕侵入骨  
橋邊柳汁染成衣  
煙沉蕙逕供清賞  
草滿芳園戀綠肥  
最是春山多混跡  
雙雙省識幾時歸

黃蝶

野菜盈籬客到稀  
金錢化後便爭飛  
燕王宴罷棲羅袖  
漢后春深着縷衣  
洲過擘嶸迎幔戲  
境尋滄海比花肥  
莊生未覺梁先熟  
喚向華胥國裏歸

白蝶

雪滿秦臺跡已稀  
春來故故傍人飛  
魂銷一樹梅如玉

夢到三更月滿衣傅粉何郎宜縞素系膩腰祝女異癡肥  
午晴生怕晶簾隔掃卻梨雲盼爾歸  
王謝庭前見已稀還從故國認烏衣客心肯向巢中穩  
旅夢猶嫌社後違幾日相風雅自轉相逢遵渚雁初飛  
歸來若問南朝事渡口墩頭半夕暉

汀邊蘆雪

翻翻蘆葉送行舟底事蘆花白了頭今我來思疑雨雪  
伊人宛在湖中流梨雲梅月鄉關夢紫蓼青菰水國秋  
天美遺集

祇爲功名方鹿鹿前盟孤負是沙鷗

舵樓曉月

五更夢覺舵樓空月色微茫曙色融四壁交光如屋裏  
一方清影入窓中龍門掉尾扶搖上玉宇關心警效通  
好是蟾宮花正發仙槎看處願乘風

緯路夕陽

一抹殘紅返照鮮半篙秋水漲輕船風廻曲岸蒲帆轉  
路遠前潭竹纜牽遙指負薪還鳥道回看曬網起漁煙  
歸心更比歸舟速欲假長繩繫日邊



輓雷軒族叔二首

天邊已作玉樓記江左空留黃海詩易簣那堪逢此日  
隨行猶復憶當時芝蘭滿室傳經早菴李同門伴讀遲  
青眼向來慚大阮竹林風折不勝悲

八載長爲善病軀一朝願畢返蓬壺那堪不語中鴈結  
况復勞形右臂枯芳草淒淒迷古路殘雲黯黯滯前湖  
惟餘懿行書家乘會見泥封下

帝都

印泥

天美遺集

九

瑠璃寶匣紫霞光曾伴詞人翰墨場花乳石間傳姓字  
烏絲欄畔絢文章披圖得托苔岑好滴露時聞艾蒨香  
爲語芸牕好珍惜莫教沾雨濕紅妝

錦囊密貯印人攜一色鮮紅百寶泥迎燕新詞添娥媚  
戲鴻舊跡尙留題生油那似汙寒具藏紙偏宜識赫蹏  
好與龍眠鈴妙畫樓臺金碧夕陽西

林厯山銅鏃歌

銅爵臺高壓漳水袁劉失據曹瞞侈酒酣橫槊向東風  
巨艦浮江路千里羣賊乘機欲裂吳

林厯討山越與赤  
壁破曹軍皆建安

十三 蜂屯蟻聚依山趾烏聊未奏平蠻書林厯又摧敵  
軍矢丹陽太守抖神威白挺竒功瑜亮比山北山南作  
戰場將軍飛下雲霄裏百人奮發祖山驚萬努齊驅陳  
僕死嶺上人耕荒隴煙巖前鬼哭空郊墨沉埋斷鏃沙  
草青剝蝕銛鋒血花紫老衲猶能識紀年兒童亦解尋  
遺址三稜零鎬遍摩挲徑寸殘金爭玩視更有鐵鏃青  
石鏃劒鏃斗腹參差是鏃不盡銅有鐵有石僧皓月云  
向得銅劒一具爲邑令陳公取  
去土人又嘗掘得  
銅斗皆當年故物登臨訪古多悲風但見陰霾護荆杞  
走馬岡頭苦竹生垂簾洞口寒泉泚山人贈我雙南金

天美遺集

一

已丑婦兄胡義斑駁陸離色鮮美得寶如誇蟻面錢湖  
山獲兩枚相遺  
泗安鎮耕者掘出小古錢一髣予得  
一枚形如人面或云卽古蟻面錢也貯囊好制龜文綺  
辟邪鎮惡應有靈正氣難磨琢賊窟君不聞黃巾發難  
天下爭西傾東應自茲始鼎足三分豈易支觴角相攻  
殊未已若非箭栝通一門樵谷丸泥早封爾銅柱同留  
天地閒蒼生託命歌聲起

題思菊花詩

思菊花詩

予性性本疎慵才非典雅廿四品內詎解論詩十  
丁丑仲冬秋芙蓉弟袖菊花詩世律見示屬予和之

八香中未能愛菊加以愁心莫寄笑口難開筆研  
欲然桔槔爛灌聽松風之操自覺情深吟竹葉之  
觴偏憐句盡此日黃鐘雅奏豈容瓦缶爭鳴何期  
紫鳳清聲轉使蝴蝶接響從此雙枝寫出忽判生  
枯半面妝成迴分啼咲矣然而模山範水詩人無  
取應酬友月交風漁父何妨贈畚不足爲外人道  
也君當投之水中尙可竊高士名耶我乃寄人籬  
下爰書數語庶剖鄙懷云爾

衆芳臺畔竹籬東管領秋光老一叢夏正此時剛樹麥  
天美遺集

周盈昨夜又迎風詩情肯向葩經寄花事偏憐月令窮  
無射鐘聲霜信早獨留笑傲待賓鴻

黃黃白白晚香濃老圃何人識舊容事爲延年忘魏晉  
功能療疾輔軒農玉梅金粟三生約珠檜絲杉次第逢  
芳逕祇今添品彙不令寂寞伴孤松

領異標新興未降秋深背指倚晴牕羣芳品定名三百  
千葉猜疑字一雙臭味總能絕蒿艾清芬端不讓蘭茝  
明年花樣君須記細寫牙籤作寶幢

就中第一數芳姿御愛爭誇我所思正色自能高格調

喜容先得荷恩私身無媚骨經霜後面是金花證道時  
何事廣平矜勁節不逢鮫節爲題詩

雪彩霜姿見亦稀新添百種競芳菲繁華不敢邀青眼  
隱逸還須訪白衣三徑無言人意淡半腮殘夢月光微  
朝來錯認冰痕沍省識枝頭露未晞

墨色渾疑見異書花南硯北靜相於川中古汁金壺注  
谷裏竒方玉筍儲靄靄停雲直雨後羅縑清影上燈初  
乘閒莫厭看成霧披對悠然倦眼舒

看遍寒英萬變圖儵然吾亦見真吾夢中有夢空愁蝶  
天美遺集

三

花後無花好憶鱸紫豔紅苾相掩映黃橙綠橘總模糊  
歸來松竹皆依舊勝賞還宜酒百壺

家在中鄉西復西到來甘谷路都迷雨荒荷盡誰思院  
衰草斜陽自半畦但得延齡窺寶笈何難刮眼當金篦  
莫隨孺子乘風去惆悵幽人惜解攜

寒溪鼓楫鏡中揩采采新花到石崖宿釀關心今日共  
春蘭比秀一時皆支頤吟苦人先瘦把臂交深友獨佳  
最是年華易遲暮且逢女節好開懷

歌風底事獨登臺歌到秋風亦壯哉土稟中央君子貴

汾懷一曲美人來，仙囊有藥能輕體。女兒無方與換胎，  
若肯服之兼柏實。救時不減柏梁材。

偶從籬落見天真，霜有容顏月有神。知己但知陶靖節，  
騷人合屬屈靈均。一時荃蕙皆凡輩，終古柴桑幾隱淪。  
卻羨部頭彈古調，年年還唱菊花新。

鞭絲帽影任紛紛，獨對秋叢思不羣。佳色數盃欄外酒，  
冷香一卷枕中文。溪頭小泛人三兩，籬角微窺月二分。  
傳語花幃好圍護，莫教黃萼染塵氛。

相逢秋老坐雲根，醉把佳遊與細論。每遇主人還借問，  
天美遺集

三

當年壽客可猶存，一叢獨秀羅含宅。五畝將蕪士季園，  
滿眼幽花看不厭。歸途風雨近黃昏。

綠葉成雲香作團，紫莖隱映青琅玕。殘星幾點碧天曉，  
黃玉一枝秋水寒。老去可能憐髮白，愁來聊借駐顏丹。  
休嫌野外花光寂，須比三春著意看。

蕭颯林巒夕照間，白雲黃葉掩禪關。釋迦開口拈還咲，  
般若無情意自閒。有客采金盈錦袖，何人杖錫宿寒山。  
蒼蒼翠竹江天暮，獻酒浮圖看鳥還。

神芝異草湧爭傳，只合餐英便得仙。好句千年逢杜牧，

荒墳一束弔彭錢養生不羨天隨祀割愛難酬茂叔蓮  
轉覺春光方駘蕩花花葉葉負情牽  
榜聲搖曳客魂銷過盡江南水上橋幾處園林秋瑟瑟  
無邊木葉下蕭蕭不隨青柳羞樵悴長伴丹楓慰寂寥  
遙爲晚風吟未竟稻花香動酒旗飄

栽遍溪坳又嶺坳叢叢寒豔吐新苞千頭金聚名從鞠  
一種禽華色似麤玉盞夜來筵畔捧繡毬晴向檻前拋  
此時此景誰能憶空羨佳蔬佐野庖

謝恩未了日輪高爲有芳名一世豪丹陛朝天金作帶

天美遺集

十四

翰林歸院錦爲袍候時元相留生意清節韓公著晚操  
從此京師重聲價那教處士老蓬蒿

葉如雲布蕊星羅秋盡京華踏踏歌北客慣從迎戶見  
西風翻爲捲簾多平鋪蠟瓣金千翦側抱銀絲玉一梭  
何似仲冬開九畹海南遊宴紀東坡

花史新徵未見花色香形蕊愛交加四方物土宜三種  
千載風流溯九華晚節更傾藍尾酒芳懷應配紫芽茶  
道人不用相廻避蓬戶朱門興共賒

自笑三時課藝忙不謀黍稷種涪藩穿籬曉映雞冠紫

遶舍宵迷蟹爪黃  
瀉豔籠泉晴亦雨  
斜枝伴月夜如霜  
一從接插傳神技  
五色齊開艾葉香

登高爭出洛陽城  
鎮日郊遊看日精  
幽洞別開香入夢  
名園相倚鬪無聲  
盤傳餽果偕甘子  
酒熟家醅喚麴生  
惟有拒霜長健在  
晚來同結歲寒盟

數花采擷入中庭  
香滿寒窗水滿瓶  
何以供之青玉案  
誰與佳者紫金鈴  
枝枝細瓊珠爲綴  
面面玲瓏錦作屏  
新彩含煙有清韻  
朱絃一曲暮山青

妙藝由來說馬墜  
催花小試記吾曾  
鶴翎密貯香光透  
天美遺集

龍眼晴烘暖氣蒸  
此日高吟待韋綬  
當年傳播到春陵  
歲華紀至籬金麗  
白玉池生一片冰

金萼珉枝幾度秋  
揚芳吐馥快同遊  
且將欲盡看經眼  
折得歸來插滿頭  
鴻雁渚邊才壓帽  
茱萸淚上乍浮甌  
料應借此金錢會  
暫買重陽十日留

白門宴賞正登臨  
青女空勞夜夜心  
麗草早稱霜下傑  
斑荑宜向雨中尋  
遙知秋色清如水  
不道春花散似金  
爲報詩人看子細  
落英盈抱漫長吟

時逢九九徑三三  
冷雨疎風思不堪  
頌寫金花憑左女

鉞裁翠葉強嵒含扁舟繫處人千里長笛聲中水一潭  
何日皎然吟賞地更容禪悅靜相參

江間白露冷蒼葭密蕊香苞旋旋添嬾逐墨猴生夢幻  
間馴赤兔伴華嚴竒葩子結紅千顆異品茸鋪綠一襜  
回憶上寅曾采葉故園風味雜葶鹽

三秋劇藥荷長鑱珍重殘枝未忍芟東閣開尊情脈脈  
南山歸鳥影影書從抱朴觀丹法路入靈源憶紫岳  
吟罷晚窗天欲雪梅花百詠荅瑤函

未日屯溪晚泊

天美遺集

未

赤日大於盆斜暉斂未了泊舟水中央明月出林杪溶  
溶春水滋漠漠晚煙繞市近喧音塵燈稠雜星皎鄰舟  
一聲笛驚起千山鳥相對皆欣欣予懷獨渺渺憶昔經  
此間嶄然頭角小酌酒父兄驩論文友朋擾蹉跎十寒  
暑往迹已冥宵城闕思青衿邛壚望丹旆零丁遭閔凶  
予又集於蓼重泉道阻深大暮安可曉善哭咽唐衢悲  
歌激燕趙淚來如湧泉迸入溪流杳

岳忠武王墓

五百竒兵震朔方一身生死繫興亡奪情未許廬山老



別恨還隨汴水長，恢復幾人憂。社稷英雄何意戀，湖湘  
精忠兩字榮。君賜博得純臣一命償。

由來王業不偏安，西蜀南朝一例看。十載屯田勞漢上，  
兩宮還國望河干。旌旗蔽野回天易，號令如山撼岳難。  
記否投壺多雅宴，憑欄歌罷髮衝冠。

黃龍直擣勢無回，十二金牌故故催。不敢留當重君命，  
莫須有轉費人猜。馳書欲保騎驢去，矯詔難防縛虎來。  
若使天心能祚宋，申王那得脫燕臺。

都堂定計鬼神愁，小紙傳來大將休。駢首何辜累六佐，  
天美遺集

七

此心終恥向諸酋，思陵僧過青山冷。穢家人呼白下羞，  
爭似棲霞改祠墓。褒忠祀典重千秋。

游淨慈寺遇雨晚歸舟中作

朝出小金門，尋芳柳洲路。偶憑西閣望，便覺南冷趣。宿  
靄含遠山，晴暉隱深樹。眷言湖上游，權入煙中去。一塔  
光若浮，三潭影失顧。沿隄到淨慈，幽賞愜情懷。忽聽鞭  
雷聲，驚看驟雨澍。塔明聚積漚，室暗霏寒霧。我厭城市  
囂，輒思此間住。胡爲選佛場，不與高僧遇。從來清綠慳，  
悶極轉生悟。軒豁披衣襟，逍遙縱行步。濛濛雲漸合，黯

黯天欲暮歸舟趁好風人語喧前渡  
題雲林寺壁

白雲深護北高峯縹緲時聞下界鐘  
寶座周遭開淨域金仙想像得眞容  
巖聲滴溜穿牕迴樹色參天拂檻濃  
貝葉經繙千梵夾旃林香篆萬人供  
亭邊鹿過泉還泠洞口猿呼谷已封  
危石飛來峙靈鷲斷橋渡去偃廻龍  
閒情欲訪三天竺乘興先尋九里松  
貪看好山成小住不知遲日上高春  
門通遠岫披嵐翠徑轉層陰裊霧淞  
掩映禪房花霧懸依稀題壁草蒙茸  
僧蹤淪若留佳客

天美遺集

六

野老憑欄說法宗魚鳥多情相問訊  
煙霞著我稱踈慵夕陽笠影松間出  
歸路樵歌竹外逢湖上一鷺同暢敘  
溪頭三笑洽情悰時胡丈載陽寄松姪同游何當鎮日携雙屐有約  
重來策短筇良夜月明吟賞處捫蘿登  
拾覓

舟過常灘見冰柱作歌

雲如車風如馬走馬飜車墮厓下水  
如布風如刀抽刀斷布絕巖牢堅冰鄰  
鄰凝作柱纍然下垂歸然豎界外煎銅  
失晶瑩山頭削玉迷處所我疑乘槎高  
傍廣寒宮虹棟雲楣相映紅又疑翻身  
直入水精闕蜃樓鮫室撐

晴空坐倚篷窗獨靜對中流倒影迎青睞  
驀然砥柱觸當頭欸乃一聲心膽碎

玉泉觀魚

歲晏意不適出門日惘惘吳山偶春嬉  
豈逐人上好開湖上樽催打雲中漿  
乘興入裏湖泊舟履叢莽言尋古玉泉  
心目豁然爽禪房久寥廓幽圃自虛敞  
廻軒低數椽方池擴十丈活水徹底清  
修鱗百頭捨五色相鮮新一泓迭況  
漾恍入魚王國頓結莊生想人壽不滿百  
胡懼名利網天機失活潑靈臺闕清朗  
何如樂其樂得天美遺集

九

之象外象眷彼狎晴人逸情時一往

西畚兄邀同人集飲湖上

近水祠堂訪大蘇  
巡簷香雪兩三株  
香山繪像鑄珉石

錯認儋州戴笠圖

南屏山色望依稀  
古刹鐘聲渡翠微  
漠漠炊煙天欲晚  
湖邊拓盃一僧歸

水星閣觀梅

武林城北水星閣  
瓦屋層層矗碧落  
繞閣梅花幾十株  
淡紅香白綠  
花萼花萼爭開翠羽鳴  
游人作隊滿春城

絲韁寶馬過橋去油壁香車夾道行香車寶馬遙相遇  
同向南湖寺前路惹得梅花冷笑入春風錯認繁華處  
繁華歷盡舊春風曾伴王孫老此中玉照堂開雪新霽  
花光灑灑朝暎紅當年朝市樂肥遯高閣虛懸夢清穩  
韻事爭傳廿六條好樹親栽三百本一朝捨宅作祇園  
靜境不聞車馬喧浩劫千年留斷碣殘山半壁剩顏垣  
我來欲問前朝事老衲惓愚不解意古木猶存三兩株  
婆娑歲月誰能識富景園邊日影斜歸途只道看梅花  
可憐秘閣朝官第不及孤山處士家

天美遺集

十一

上巳後一日清明踏青湖上過虎跑禪院試茶

客中佳節夢中過修禊忘追晉永和如此春風如此水  
泥人童冠起狂歌

門前挿柳報清明閒水尋山趁午晴湖外偏知春氣暖  
菜花香處一蟬鳴

披襟脫帽率天真啜茗僧寮狎野人記得坡仙詩句好  
石泉槐火一時新

春山一路子規啼笑逐閒雲過虎溪折得幾枝紅躑躅  
踏青歸去夕陽西

三十初度自述

乾隆歲庚戌孟春日五五我生不及辰時子夜方午父  
言當一喜母言有三苦初如莠不苗安能望禾黍繼如  
苗不秀旱潦咨晴雨終如秀不實草盛竟無取辛勤屢  
哺雛毀卵未毛羽二女靜且莊將作他人婦鬻子勉同  
心精神全付予他年復何求報我一抔土  
一歲始學語二歲始學步三歲習幼儀四歲辨名數五  
歲識之無屏幅目頻顧六歲入小學背燈誦章句父師  
善防閑母姊勤警助總角爲文章詩律粗解悟弱冠矜  
天美遺集

三

始青西山日已暮終喪復遭喪零丁慘行路共聞子女  
三後先委朝露手足早偏枯骨肉又多故經畬從此荒  
歲月等閒度  
遠客歸故鄉行年三十也塊然存此身問我胡爲者先  
人困棘闈懷才屈淹雅揮淚讀遺書金陵三走馬功名  
不可期隱憂何日寫瀧岡待表阡留櫬寄荒野葬養都  
未能浮生一字假晝眠春夢長夜坐秋燈她親舊欲稱  
觴何辭可祝嘏卽今三得男吾親不見且作歌以告哀  
潛然而涕下

將赴桐川留別金陵寓中諸友

三獻三別矣一麾一淒然未黔墨子突先贈繞朝鞭此  
去客中客重來年復年還憐穎士僕惜別淚如泉

漢壽亭侯玉印歌

風催波浪兼天起老漁夜宿楚江水神光燦燦爛重淵  
四圍網集澄潭裏一船忽唱得寶歌珍印出水驚蛟鼉  
截玉爲方圓肉好傳觀手手爭摩挲不羨黃金大如斗  
不羨龍繚繫龜紐繆篆分明漢建安侯封豔稱關漢壽  
漢壽不死玉不刳千載此印歸西湖什襲匣中六百祀

天美遺集

三

令我對此長唏噓憶昔中原競蟻鬪樓桑真人困如獸  
城狐社鼠肆憑陵轉托皇親比外構公時九錫愧爾曹  
不願封侯願稱寇酒酣卓犖觀春秋一統春王本屬劉  
吳爲黃中魏董卓撫膺太息生煩憂公時矢志在敵懷  
不願稱寇願封侯紫陽綱目識其意公願不遂公心慰  
不然一印何足惜英靈呵護竊不得嗚呼星移物換幾  
千秋物是人非愁更愁鉄戟沉沙何處覓銅臺遺瓦復  
誰收惟餘玉印藏神廟不向荊州逐水流

峻嶺入棲霞幽趣頗殊衆東指棲霞庵西關棲霞洞棲  
霞閣無人青霞自迎送

紫雲洞  
懸巖通曲磴虛閣絕塵勞水碧有寒色山空生紫雲兀  
坐雙桐菴閒花落紛紛

金鼓洞  
竹樹森廻巖扉豁虛敞偶聞天風聲疑是金鼓響野  
鶴不歸來仙蹤何處訪

蝙蝠洞

天美遺集

三

窮劣攢竒峯空嵌倚危石峻鳥影鱗蝙蝠飛拍拍草  
長迷野蹤徘徊問樵客

天龍洞

行盡赤斤嶺更訪黃龍山黃龍破壁去白雲挾雨還屹  
立化靈石高出青林間

白沙泉

清泉斲方池池水甘如醴流出沙石間瀉入丹巖底亭  
午欲生寒煩襟時一洗

題巴漱六綠天詩思圖

綠陰覆地蒼苔冷積靄沉沉清晝永花落碧窗深掩門  
茶煙明滅裊金井巴陵公子幽趣生石墨一研筆初秉  
蕉葉題詩寄與誰美人悄隔梧桐影

乙酉秋闈後口占

文戰曾經七度秋江南勝地遍遨遊暖煙芳草眞孃墓  
落日明霞太白樓黃耳慣迎投館客畫眉又喚上灘舟  
而今古石城西路差過湖塢訪莫愁  
終童弱冠偶知名敢過儒冠誤一生貨殖書拋空受命  
文章緣淺漫千榮家貧未必如司馬路阻唯應似步兵

天美遺集

三

老我此身閒不得年年行李伴征程  
劉向傳經事已非青雲夙願與心違庭趨莫副先人訓  
杼斷空餘舊日機豈有明珠逢按劍漫將美錦學裁衣  
未能乞巧還藏拙落魄江湖識我稀  
功名四十豈嫌遲辛苦文塲漸不支漏盡構思心悄悄  
鐙昏作字眼迷離鬢毛未改良朋慰骨相偏屯老衲知  
好去黟山結茆屋元猿碧鳥鎮相隨

小桃源

儂家小桃源慣識春風路  
竭來此山中莫是漁郎誤



采香逕

荒徑寂無人靈山多芳草淒風冷蘼蕪使我傷懷抱  
回首叢山青會稽秋色好

舟次吳閭借西畬兄游靈巖天屏支硎諸勝心誠

上人留欸吾與庵徧示壁間題詠索詩於余因

書一律以贈

看山隨意入雲鄉竹院留譚引興長供出伊蒲綠好客  
花開祇樹久聞香觀魚自有濠梁趣選佛偏宜翰墨場  
此日溪亭成一笑歸途三影逐斜陽

天美遺集

桃花菴歌

三

桃花菴在桃塢桃花仙名獨千古花開無古今仙人自  
來去不見桃花初放時但見仙人舊題句四壁桃花便  
是家詩成落紙如紅霞霞光化作池中錦澗水浮來雜  
落花落花逐流水付與東風裏偶然流出到人間都說  
仙人不曾死仙人本是人中仙謫墮瑤池幾十年筆墨  
緣深福命淺六如真蹟爭流傳掉頭不向虎邱道縛茅  
準擬花間老花近街前多俗塵移庵更入蓬萊島

晚秋汎舟南湖登煙雨樓四首

穉穉風催舴艋舟采菱歌急水東流菱田半占鴛鴦水  
一曲波光上畫樓

老樹交加恠石堆朱欄粉壁繚亭臺此中不但宜煙雨  
可許晴峯入檻來

樓外紫微開滿枝木犀香透碧簾垂好花看到重陽近  
坐對斜曛啜茗時

家在江南水一方經時旅夢隔蓮塘逢人見說南湖好  
便認歸舟是故鄉

予所居村南有湖亦名南湖

己丑上巳南湖禊飲分韻得雨字

天美遺集

三

南湖春色爛如許湖上嬉春多士女采蘭舊俗是今晨  
柳斤相逢話情緒維摩居士愁病身獨坐蕭齋久無與  
寒食清明夢裏歌碧桃花下聞鶯語人生不樂徒爾爲  
強起携壺命儔侶湖風拂拂水如煙暝色催人墮前渚  
合樽促坐書堂西少長能來忘爾汝天朗氣清今復然  
何人更續蘭亭序風光忽憶去年殊燕子來時沾暮雨  
九月三十日同人集飲小有洞天分韻得牛字卽

席率成七律五首

吾廬局趣是瓜牛綺石瓷盆小院幽點綴偶然添菊韻

團欒何意似蘭修，羹供紫螿無兼味。酒汎紅螺，借一籌  
忘卻涼風生紙閣。白雲黃葉已深秋。  
去年七夕在常州，曾向尊前詠女牛。牘我獨居臨水榭，  
不堪重上曝衣樓。中秋月好誰同翫，陽九雲陰只自愁。  
今日相逢聊一笑，花隨燈影下簾鉤。

一從宋玉賦悲秋，工部新詞迭唱酬。守拙計窮勞待兔，  
養生術淺奈全牛。功名棄我閒無賴，詩酒逢場懶便休。  
人似花黃，花漸瘦，長鏡託命復何求。

當筵猶似舊風流，獨處神傷不自由。所欠此生唯一死，  
天美遺集

三五

那堪四十對三秋，委形未許爲芻狗。舐犢何心比老牛，  
身世悠悠難預料。且開菽醢試新菑。

黃花簪帽也應羞，同學少年多白頭。每過酒壚還感舊，  
不常文宴爲離憂。卽今林葉經霜後，試問瓶梅綴蕊不  
傳語時光易遲暮。披圖轉眼看春牛。

夏日過訪在涓筠莊適至

山居不異水雲鄉，渡水穿雲到草堂。茆屋隔谿常對宇，  
板橋沿岸閒垂楊。坐留竟日緣佳客，室受三人似野航。  
漠漠炊煙催暝色，竹窗披拂晚風涼。

秋霖

仲秋久霖雨農家生怨咨上田水活活下田波瀾瀾種  
穀不早熟晚來空自悲東隣錢鎊痔西阡秉穗遺彼獨  
逢其艱歲暮長苦飢官吏責租稅限徵不敢遲室中旣  
已盡稱貸復何之一家口八九嗷嗷心愴而窮民處山  
谷憂旱無已時禱雨恨不足旣雨歡展眉胡然轉長歎  
僉曰來愆期勸爾勿酸辛冬糧尙可資不聞父老言田  
高稻不宜曷勿樹梁稷布葉發華滋勝我獲石田營營  
徒爾爲會當棄茲去負耒北山陲

天美遺集

久晴

冬日自可愛久晴殊可憐山高土不沃邑小居相連行  
旅之四方居者乏耕田米價本不賤來自江西船所持  
溪潭深輕裝始易牽一朝冬水涸役夫力不前神閭偶  
告匱舉室聲呼天晨起見鄉信一石錢五千米貴猶自  
可米缺難安然豈無山中糧小補非十全况受棚民累  
山骨窮雕鐫薪炭價亦增紛紛逼殘年庶幾皇天慈一  
雨盈百川使我望鄉處萬戶生炊煙

春初夢園招飲感賦

光風吹轉雪中春笑語相逢已浹旬歲後馬卿猶作客  
家貧陶母善留賓金刀細切銀絲膾翠釜徐烹紫錦鱗  
可惜當年諸伴侶不看襟上酒痕新  
水漾橋南舊草廬石橋西畔更移居兩頭不復依絜佐  
三徙重來訪予輿同是悼亡傷往事那堪伴讀廢殘書  
佳晨強飲還成醉孤負梅花向暖初

不是好消息重添羈客愁吾生何太拙無日弗離憂中  
酒有時有辭家休便休未能報恩怨一命寄蜉蝣

天美遺集

完

自挽

送我離故鄉不堪回首望南湖渺何許煙樹藹蒼蒼豈  
無親與舊匪我心中藏豈無酒與殺匪我心欲嘗斷梗  
江上浮孤雁雲中翔水行避蛟蜃山行愁虎狼雨雪曾  
幾時楊柳青成行蹉跎翫白日春夏馳景光昔有陶淵  
明達觀隱柴桑高臥北窓下葛巾乘風涼如何生子癡  
惓惓不能忘臨終著遺令語短情甚長我生一贅疣我  
死一糝糠造物釋我縛縱我歸北邙丹旄飛我前素車  
駐我傍我魂不可招我骨不可將永謝人間世萬古恨

茫茫

八月十八同子姪輩登大觀臺看桂和吉庭韻

振衣絕頂豔陽天會攬梅花雪後妍七月倦遊停蠟展

正月十八至多寶山謁遠祖三秋佳興聳吟肩貧如

越國公廟後未復遊此中秋前二日遙指桂香

南阮風流遠靜愛西泠水色鮮汎舟湖上

最深處又披雲霧陟巖巔

花放時聞鳥語催小山叢裏獨低徊天邊有樹從人折

林下無樽待我開今夜月弦鷄早應明朝社鼓雁初來

何心更擬登高會且對滄江茗一杯

天美遺集

三

鬪蟋蟀

莎羽隨時化金精稟性剛不平鳴唧唧好勇氣昂昂小

隙尋巖穴雄謀足稻梁艸根千炬集壁後一軍藏白露

思良士秋風肅戰場興高猶說宋俗儉不知唐公子金

錢會佳人錦繖張么麼偏得意旗鼓鎮相望對墨憑籌

策分棚較短長翼殊舞蠅虎臂共奮螳螂蠱尾攻何急

狼牙銳莫當寨中馳上將牀下咽寒螿一躍聲先奪三

周走且僵屯空和蟻聚起敢趁蠶忙蝸角方蠻觸蟲沙

竟死心機心餘促織尺地賸危牆野外朝零雨臺邊夜

隕霜鴨欄音寂寂雞柵恨茫茫螫鼠熏前戶蟪蛄閉兩  
廂豪華何處是夢斷牛閒堂

六月二十四日聞秦淮水溢江南秋闈改遲一月

或勸余往試占此代答

積雨溟濛接三秋千巖萬壑迸洪流纔聞墨嶺波濤急  
又說金陵草木愁飢溺關心悲里巷功名何意問沉浮  
祇應土偶能相識漂泊東西逐海鷗

旅館寒燈只自哀囊中金盡爲書牕廿年月白仙娥笑

九日花黃舉子來失路目盲空墮淚抱枝心死已成灰

天美遺集

三

下車攘臂終何益不是三河搏虎才

莫階將之陽羨舟過武林留住悟空寺三日小展

湖山之興於其行也率成四律以當贈言

采蕭不見已三秋君未歸來我遠遊無限好詩都入夢  
獨傾樽酒那禁愁月明尚記溪頭別雲散還憐雨脚收  
剩有冬心比松栢阿誰重問舊風流

鱸魚味美客思家殘菊枝頭日影斜忽報故人來問訊  
頓教蕭寺有光華扁舟不待山陰雪迷路難尋洞口霞  
行色怱怱當此夕願無退棄暫停車

異鄉相見倍相親，情重如君有幾人。  
伍子山前長作客，蘇公堤畔暫留賓。  
烹茶更約游陽羨，把釣偏愁入富春。  
夜永對牀同話舊，不勝悲咽淚沾巾。

曾勞頭責數行書，又涉江濤訪寄居。  
行李一肩看乍去，

空桑三宿悵何如。逍遙我已齊生死，煩惱君宜解破除。

祇此金龜能刮目，

時莫陪  
有目疾

更無贈別佩瓊琚。

六月朔一喜雨在祐堂席上作

去年今日古新安，雷電蛟龍助雨寒。  
高下地多成巨浸，

東南川莫挽狂瀾。山居緣木求魚易，野老烹葵獲稻難。

天美遺集

圭

轉眼又欣甘澤降，人情翻覆此中看。

東友人

回車幾欲歎途窮，不遇文人運不通。  
逃債臺方勞待兔，

絕交書又到征鴻。全家潦倒朋情裏，孤枕淒迷客夢中。

幸有濁醪相煖熱，殘詩數卷一燈紅。

西湖春遊與西畬兄同作

勝日追隨水面遊，湖東催上木蘭舟。  
林泉未盡客先醉，

風雨欲來春又愁。幾處鳥歸山外寺，誰家花隱岸邊樓。

天涯老去無拘束，對景長吟只自由。



八人四百三十歲自詡風流最少年拂柳髯稀猶未雪  
看花眼暗已如煙重尋故步忘前事

去年重九錢王祠  
觀桂跌傷左足今

來景賢祠  
觀梅復爾

又得浮生續舊緣近覺湖山倦游興歡然相

對轉凄然

一老少年

阿婆重作少年看老去紅顏換不難綠葉轉驚新製錦  
黃芽翻覺大還丹仙黃子抱俱身健祖竹孫生共歲寒  
日出扶桑迷玉杖長留珊樹伴漁竿

雁來紅

天美遺集

三

雁過平蕪綠葉稀淺紅深赤鬪芳菲月明錯認蘆中火  
驚起沙頭一陣飛

土狗

蝙蝠形似鼠鴟鵂形似貓兩足傅之翼亦能凌碧霄爾  
蟲一何渺狀若獼歇驕飛捨不尋丈枋榆限高標窺燈  
入我室膺膊響聰察客子苦晨暑竹牀臥涼宵蠅蚋互  
纏擾蝨蚋同紛囂輾轉不安枕空勞蒲筵搖揮之不肯  
去來者如見招豈是孟嘗客廁身居下僚自矜狗盜智  
哺噉樂逍遙但恐因人熱炎涼換昏朝使爾失所據飄

泊隨疾颺不若守窮巷豹聲寒未銷歸途伴明月慰我心寂寥

野貓

晝短秋夜長客心愁未央魂驚臥不穩飢鼠繞匡牀驅逐益驕恣偷竊難掩藏家猫曳尾走野猫蹲體望不捕壁間鼠反窺俎上羊入厨火已滅搜食器並傷釜破覆羹飯壺傾流酒漿池魚倏不見籠鳥驚欲翔聞聲眠復起赤手拳空張逃遁轟毀瓦飛騰捷跳梁淫霖迸簷隙屋漏勢莫當濕我衾與枕汚我衣與裳欲睡席不煖欲

天美遺集

言

坐榻已涼欲避迷曠野欲住露空房猫虐甚於鼠煩紆結中腸撫膺一長嘆胡不歸故鄉我自貽伊阻誰實使爾狂尤悔且交集怨毒胥可忘寄語二三子慎旃毋癘

瘴

門對浙江流南郊古刹幽紅橋排雁齒白塔接龍頭野

興三沙路潮聲八月秋天香飄茗椀花下坐淹留

錢塘江觀潮

浙江之水天下奇千里西來復西馳東流到海出龕楮

到入龕楮窮力追初如截江拖匹練界水連天白一綫  
橫空壁立滾滾來半入蕭山看不見又如白龍長臥波  
揚著噴沫隨蛟鼉高駕前胥與後種靈旗白馬煩搗訶  
八月十八迎潮節臨江檠戟紛排列全牲一擲人滿隄  
萬弩不飛沙積鐵龍山塔頭日欲晡鳳山門外車馬驅  
士女駢闐壓江滸危樓斷榭歡聲呼我亦出郊一翫步  
青鞵布襪穿松樹十里延沿裏沙河三人來往上輓路

正濤必  
棉隄往

殷地近掀雲捲霧翻日車奔湍激岸高百尺光影動搖

天美遺集

三

林心魄排窗一桁雪山平先上富春江水白後潮更比  
前潮高羅刹石多衝怒濤一波未平一波起罡風助勢  
春聲豪樓上樓前都是水寒裳卻走登樾几撲檐飛瀑  
爭喧匝澎湃砰訇猶不已檻外帆檣斜拍浮峩舸大扁  
鏡中流竹篙搶急逆潮過掉頭不住廻荻洲我聞瞿塘  
險如馬灩澦堆名震蜀下之江忽幻作巴江始信風波  
無定者復聞巨鼇戴蓬山出沒瀛海驚人寰氣機鼓盪  
不暫息川河脈竅通元關望洋向若坐長嘆嘆觀止矣  
天之半東將八海豁胸襟長逐鴟夷游汗漫

婆娑洋觀日出歌題江陰薛學師

鳳煥小照

觀水臨溟海觀日登泰山日照容光海水翹其瀾聖  
賢事業亦如此天下大文胥在是小子成章看日新先  
生設科進不已前歌後舞紛婆娑觀止之樂樂若何自  
悔東隅失早景望洋向若隨流波連洋夫子登鼇客首  
冠蓬山通仙籍葵藿常傾向日心一官獨冷滄波隔憶  
昔宅居江海東海門影射朝曦紅咸池浴日看不足南  
行破浪乘長風白洋暗洋都不顧祇覺婆娑有真趣黃  
人捧出光燭天日本琉球境全露海水搖金弄曙光水

天美遺集

美

天下上同色黃一顆紅丸互吞吐月輪西轉遙相望此  
時此景誰畫得妙手始教傳翰墨咫尺之間萬里遙諦  
觀令我生顏色我今欲鼓伯牙琴不愁四海少知音但  
恐成連別有移情地堪忍縹緲無處尋  
阿彌陀經有婆娑  
安國土釋云梵  
言婆娑華  
言堪忍  
昭昭白日馳光熒後渡迷津發深省裏乎裏  
乎真我師願傍桑榆娛暮景

贈九齡童子巖壽田

名洪疇湖州人  
隨祖流寓武林

珊珊仙骨玉丰姿巖挺之家有此兒山近桐君綿世澤  
庭依竹祖長孫枝兩溪罷鼓蘆中樵三竺來麋石上詩

天下無雙名譽著，肯教江夏擅英奇。  
自知肉眼是凡夫，也逐高軒過五都。  
紫閣清聲聽繡鳳，元亭奇字問童烏。  
經腴滿腹詞章富，墨滯濡毫乳管麤。  
他日曲江良宴會，探花遠寄一枝無。

題景定元年修湧金門城闕輓字拓本

王業不偏安，臨安豈安堵。  
天下方未定，景定復何取。  
改元又改作，勞勞徒自苦。  
東南當要津，西門非險阻。  
一朝白雁天上來，飛入宮牆猛如虎。  
六陵玉骨誰見收，一杯未乾迷處所。  
歸然獨存有遺輓，憑弔欷歔爲指數。  
當年

天美遺集

三

城闕知勤修，衰職有關不思補。  
徒令好事宦游人，搜剔苔壁窮巖澗。  
嗚呼此輓自千古，莫道趙家無寸土。  
弔嚴童子，有客方求死胡爲失替人。  
窮途思把袂，歎逝欲沾巾。  
錢癖非知已，書魔易損神。  
可憐老詞叟，撫硯哭逢春。

遊普濟菴尋繡經閣遺址

吳興女兒瑯琊氏，炎宋鍼神擅妙技。  
不繡鴛鴦羞頸交，不繡鳳凰嗔翼比。  
若蘭機上翻巧思，蘇晉佛前悟禪理。  
法華七卷組織成，千手傳觀讚不已。  
四軸馱餘白馬閒。

三弓玃落紅羊裏誰歎補者蔡與楊不愧烏程二姝子  
如泉山下普濟庵藏經高閣崢嶸起可惜好物不堅牢  
傳燈未滅茶毘矣塌來無客繙貝多好事何人問山陞  
金陵顧媚誇女紅刺繡名猶在人耳豈真繡閣工五文  
不及市門逞十指時俗好尚難與言有才不知總如此  
閣經雖燬跡尚存地下芳魂應自喜君不見多少男兒  
名不成遺編化作餽窓紙

放言和章笠掀洲五十初度贈詩原韻

去是何時今又來空花幻果費疑猜後君子進從先進

天美遺集

天

賢父兄才養不才骨似虞翻徒我貴目如張籍亦天災  
行年五十須臾事懷抱難逢幾度開

青緗舊業學箕裘壯不如人老便休左賦擬成勞十載

雄文謬薦失三秋年華逝水都難返富貴浮雲莫強求

惟有西湖最相識一回來往一勾留

鷄鳴風雨助伊吾不爲詭處也作符古硯磨穿詩卷在

怪囊傾盡酒錢無鄉心幻入三更夢世態看成萬變圖

聞道詞壇有飛將先衝愁陣執螯孤

灑淚濡毫寫寸衷半生孺慕兩人同思君欲訪山陰雪

愧我孤吟谷口風漫待眼青看得鳳可能頭白卜非能  
芙蓉江上酬佳什屬和還應遍浙東

天美遺集

五



芙蓉江上酬佳什屬和還應遍浙東  
別在雁門谷口風漫待眼青看得鳳可能頭白卜非能

易重一筋賦

以或問伊川易重幾何爲韻

或問於伊川先生曰聞之易有三交易變易何謂不易數始一無極太極何謂皇極兩儀何判而四象何分六畫何求而八純何測何爲通爲高於度長何爲別爲均於繩直立權衡而輕重何以適符觀河洛而圖書何以取則利且占夫三倍術也慎斯數豈昧夫十朋疑之故或先生曰子將以理之察察或不免數之汶汶乎亦知神明者著之圓無異灼見者龜之璽乎相摩相盪而奇耦兼參分陰分陽而剛柔迭運衍之凡六十有四卦錙

天美遺集

一

積而適得其平廣之三百八十四爻銖累而各如其分萬殊悉本於一語人難索此解人五權恰肖乎筋待問孰如其善問彼銖之積而成筋也起什伯於絜黍罔差謬以毫釐四六當陰數之成陰始凝也廿四協風番之至風以動之合觀老少陰陽五銖之稱名曲當統論貞晦正變二八之取數攸宜欲知書啓九章算稱古昔須識貨推六品錢卜渠伊而爻之布而成易也肇虛皇之一畫演乾象之三連因而重之經分上下倣此者也象動萬千比置閏以定四時待益於三百有六旬之外計



合朔而虛六日須損夫七百二十刻之全開玉檢以傳  
書星輝沙渚定璣衡以齊政珠媚晴川是知易以爻成  
筋由銖積握算持籌揚著振策四時乘四方而得準兩  
爲筋八變自八卦而來舉一知百辭觀孔繫萬一千五  
百廿數之備當萬物而重值一鈞志考班書千有九百  
二十兩之多分陰陽而重增一石能會心者自異師心  
豈善易者不必言易矧夫道本頭頭類凡種種揲四十  
九於大衍挂一分二而爽若列眉參七十二之潛虛三  
疊四重而積成旋踵辨生生於橫黍縱黍藉審度卽藉  
天美遺集

二

謹權通五五於較股較弦能平衡兼能角甬苟非悟乎  
龜負馬馱得不失之燕輕雀重要之日用不知小人則  
匪當名辨物君子則趨一一可考制器无虧斤斤其明  
成章有斐其鈎深也如新月之溶溶其懸象也若衆星  
之焯焯半兩定黃鐘之管笳儼鳴牛測圓括蒼昊之躔  
磨同旋螳尙何慮數之難齊而猶待詢其餘幾哉方今  
聖天子珍符闡握鈞石關和有典有則無偏無頗

三才並著九府咸歌異以行權爰  
申命而行事謙能稱物乃益寡而哀多談經掄

鳳閣之材

藻鑑與

文衡共準博物重鴻文之選金秤與玉尺兼羅士果  
章編而任重礪平砥以漸摩斯不難紹濂溪而追涑水  
又何論夫焦贛與田何

天美遺集

三



又論論夫意源並田何  
學國而亦宜然平砥以漸摩德不難辨精銳初其  
文備其聲斯德壽備之選金秤與玉尺兼羅士果  
藻鑑與

鳳閣之材

四寶堂賦

以物華天寶人傑地靈爲韻

一水縈紆萬峯奇崛問政殷勤親賢髣髴風月閒情煙霞長物有堂有庭非仙非佛楊公介節居前宜號四知蔣峴名臣座右曾銘四勿豈必開清秘之閣地接雲林泛書畫之船人思米散則有新安故郡炎宋舊衙黃山閣聳紫翠樓遮太守清貧胸有千竿修竹使君多暇手栽百種名花於時構別業以數楹標題字古辨物宜於斯土肇錫名嘉一堂照耀四寶光華爾其爲寶也價重千金宜歛有諸葛之筆幅長五丈夥歛有凝霜之箋宜

天美遺集

四

春第紫毫勁好澄心堂冰翼光豎分三軸於承叔贈三管於公權呼翹軒寶帚之名春華垂露洗玉版京簾之色秋水連天石嶺墨佳蓉溪硯好易水交稱端硯共討皴紋疊羅點漆騰藻和紫霧以晨披雜元霜而夜擣廷珪則賜姓爭傳少微則名官可考得此濡毫染楮誰言四者難分若非毓秀鍾靈安望千秋永寶於是雅懷暢芳訊申安棐几展香茵牕明似雪室淨無塵兼收並蓄雜然前陳相視而笑此中有人龍尾龍須都號笈中之秘松煙松節俱爲席上之珍登斯堂也吾愛吾寶蓋不



造墨賦

以麝煤麟髓價重兼金爲韻

嘗攷古造墨之法紫草交加蒼松假借漆合膠投煙浮  
露下杵擣霜晨挺搏月夜入漢魏而爭工歷晉唐而並  
駕尙書重一枚之給丸已和麋太守兼三具之全香先  
剖麝則有南唐妙手北薊長才業傳水部宅近雲隈仿  
石油之舊製漆香劑之新裁光可鑑人而名高易水細  
纔如筋而譽滿燕臺當年品重特龍早識超超元著他  
日宴開羣玉猶看黯黯青煤爾乃風蕭蕭兮別友舟汎  
汎兮卜鄰依紫陽而結宇托黃海以棲身問余何事山

天美遺集

六

居此地有萬株松樹賴是復修吾業其徒皆十二龍賓  
圓爲璧而方爲珪休嗟鹿鹿紋如犀而堅如玉倍覺麟  
麟於是極巧思逞神技聚數多用物侈玉屑相攙珠塵  
共委開墨務以常供搆墨材而大起字異則精脩有別  
圭不如邽名同而人地偏殊奚還遜李倘欲作清閟藏  
必先囊以豹皮何須采天峯煤爭效記夫龍髓時則職  
掌清高官居閒暇午夢初回丁香乍卸安排墨料如數  
家珍簡點墨工都來客舍是則是做煙雲過眼以迷離  
改作改爲規矩從心而變化始信硯磨龍尾見賞名流

因知紙貴澄心同增聲價今想其移家而造也兄弟隨  
肩子孫接踵名標逸史閱六世而爲良藝著遺書漬三  
年而不恐愛之者長抱此區區求之者更搜其種種物  
常聚於所好家藏烏玉玦多其爲寶也幾何價比青琅  
玕重別有點景雲之秘紙裝祖敏之芳匳李陽冰碑形  
經尺王君德藥物三漆席置一團法稱張遇庫存百笏  
用取陳瞻斯皆匠心獨運握手不黏噉如薜馥利若鋒  
鋸亦何慮後先殊旣而香色難兼我

皇上懷文抱質酌古準今

天美遺集

功侔造化人重墨林卻萬國之貢珍

情耽書畫供四時之清玩

賞若球琳任將作卽不假延州石液呼印香子還收上  
黨松心安得不洙泗之珍獲其片玉瀟湘之寶償以千  
金也哉

松而黑松使者賦

以有小道士如  
蠅而行爲韻

地產人文天差神守用假一丸才傾八斗吐鳳從心雕  
龍在手松生腹上夢裏黑甜使出詞曹星前墨綬栽培  
厚質必歷久而後成應對雄談於答是也何有迷遺事  
於開元知得人之先兆入道內以隨班聽微臣之自表  
松滋侯北面同來膠州使東行未了待取材於徂徠之  
阜依人而靈願相禮於卽墨之邦稱名也小於是職蒞  
元冥詔迎太昊端服執圭櫛犀投繯鐵面三公蒼髯一  
老飛芝蓋於輜軒牽蘿絲於羽葆伴綠桂爲佳客不辨  
天美遺集

上賓介賓呼黃花作主人何分北道南道煙黯黯兮黝  
山風蕭蕭兮易水貞心向月兮三更勁節經霜兮萬里  
過黑塞兮情生繞黑山兮思起握荻管以濡毫鋪麥光  
而染紙周旋則不少絳人問訊則偏宜青士然而臣雖  
有雁子本非魚何爲以松大夫重任而樂與黑小子同  
居遂使弄其文墨畏此簡書青林雨後白雪晴初彭澤  
桃源酒徵元亮臨邛竹路琴訪相如則見及門而揖歷  
階而升丹楹目注彩棟神凝膠漆合而常通惠好金石  
交而莫肆憑陵何人盛豹盈囊兩翼遠傳青鳥此夕揮

犀有客千頭細錄蒼蠅別有開松徑臨墨池苔華刻采  
藻瀛虎賁三千掃橫筆陣龍賓十二坐滿書帷向非緇  
林學博元亭字奇亦安得獻古潘於方壺有如此者長  
文鱗於老樹作其之而爾乃往來行李羅致客卿攜木  
上座謁楮先生招管城子以旌赤松並駕聘石戶農以  
幣黑壤曾耕卽看青案披香近蓬萊者鳴玉以相遐想  
元圭

錫命辭松牖者載賓而行

天美遺集



龍尾硯賦

以歙水良材端溪齊美爲韻

客有遊目新安遨頭古歙寓意林泉怡情卷帖哦沈約  
之新詩步青蓮之舊履入松蘿之徑雀舌烹茶採石嶺  
之珍螺丸滿篋龍尾名山星源夾水石骨崢嶸溪頭邈  
迤日暖煙生雨蒸雲起細隱羅紋堅凝青髓鷓鴣之班  
宛然鸚鵡之眼如此此日斷憑巧匠鴨頭綠到厓邊隨  
時攜助清吟螺甲紅嵌匣裏非紅絲之表異非紫石之  
稱良或璧形以圓折或珪樣而周方入掌堪珍供之案  
几一拳可玩薦以繩牀斗室徘徊新停酒杯案明似雪

天美遺集

十

庭淨無埃琉璃半展瓊瑁相假煙消水淨花落風催招  
龍賓之墨友伴焦尾之琴材時則溽暑方至良宵未闌  
麟髓初磨光含黛影鼠鬚乍拂香滿毫端幻翡翠之千  
般色偏入古潤蟾蜍之一滴聲未曾乾爾乃蝦鬚簾捲  
鸚嘴盃攜雁棧綠衍繭紙白迷一朝適用幾費攀躋取  
材則上天下中下別質則前溪後溪何須賦就繁欽馬蹄  
可製倘遇銘鏤坡老鳳味堪題則有戲鴻墨妙繡虎名  
齊攄偉抱豁天倪微凹星皎側入霞低研朱水北染翰  
蓮西朝吟傾婪尾之觴李囊共貯覽句擅雕龍之技米



方鏡賦以正似方塘清如止水爲韻

地拓方輿天懸皎鏡日月光融星辰彩送電掣波馳雲  
蒸霞映形而下者謂之器較短絮長神而明之存乎人  
形端影正爾廼鑄自軒轅製傳尹氏赤堇銅銷紅爐範  
啓光可鑑人量運度軌折旋中矩人工可代天工應物  
本虛形似更兼神似則有殿名仁壽宮號咸陽水心鍊  
質石窟磨光方寸莫藏乎肝膽方丈可察乎毫茫雲影  
天光徘徊一鑑堂高簾遠繼照四方於是開玉匣解錦  
囊一珪出四維張光於上下運乎中央桂樹珊珊月印

天美遺集

宛臨玉砌菱花灑灑水流疑溢金塘懸象若明含章可  
真正位居體旁通有情八卦既生於四象三光兼用乎  
五行光動直方而協乎廣厚明因麗正而得其輕清別  
有望蟾樓閣飛鵲庭除麟鳳龜龍四靈有耀魑魅魍魎  
一覽無餘圭角磨礪砥礪而兼隅自若玉壺皎潔冰清  
而耿介弗如嚮使王徒守遺規室不依君子則玉臺之  
上未峻丰裁藻鑑之中無分彼此安得相看有字占事  
知來面識如田文明以止方今

聖天子

體握金輝度齊玉咫尺照龍舒八紘鳳起莫不觀光

上國用賓占鏡聽之詞採藻

天庭獻賦頌方諸之水

天美遺集



三

紙窗竹屋賦

以時於此間得  
少佳趣爲韻

蘇學士清才罕匹雅抱堪師風流自賞位置信宜金馬  
玉堂當年夢處青燈碧幌此日閑時吾愛吾廬雨後晴  
初門無俗客家有賜書六扇屏窗一望都成側理數椽  
茅屋四圍便是林於十幅五幅之中千竿百竿之裏堂  
澄心而意迷館長嘯而韻起誰將終老於其間問幾生  
修得到此烏窺簾兮霧霧枝入戶兮閑閑紙糊窗兮閑  
迴竹繞屋兮門關綠白縈青而外徭紅倚翠之間時煮  
茗於樓西或焚香於硯北羅浮帳煖梅影疎臨玉宇天  
天美遺集

七

寒蘿陰密纖獨坐無繆開卷有得得以樂詠歌忘昏曉  
醉初醒書未了月動痕虛雪霏聲悄一場春夢不分明  
滿院落花知多少房櫳何閒寂几席早安排笑蠅頭之  
未出欣鳳吹之先諧望雲水迷離伊人宛在有琅玕左  
右此士應佳君子不來遠隔煙霧鬱延佇乎閑階逸舍  
情於尺素指黃昏以爲期兮覺此中有深趣

石燕洞賦

以石燕拂雲  
晴水雨爲韻

黻水之東有靈蹟焉仙印一方飛崖千尺中通小有之  
天廣闢太元之宅降墨嶺之頭陀披霞襟而色澤雪裏  
敲殘清磬蛇隨燕出危巢風前讀罷傳燈龍產洞旁竒  
石爾乃涎涎閑歸磷磷善變不逢高行那肯點頭倘遇  
主人遐欣會面三生遠訪路迷柳絮以難尋五色長留  
門掩梨花而不見擣素落寒砧之葉城賸石頭唾紅生  
廣袖之華宮停飛燕蓋石之呀然成洞也雲幕垂垂風  
臺仡仡繡戶依稀雕梁髣髴可容君輩百人莫道此中

天美遺集

五

無物入社祇愛陶潛拜兄湯勞米飯半巖杏雨語任鶯  
喧滿整榆煙羽惟鳩拂則見洞中之石質有其文虎非  
飲羽羊不成羣零星閃爍碎翦續紛野外參差寒鴉暮  
景徑中犖确扁蝠斜暝誰傍簾櫳臨水梯如鈎新月誰  
依柱礎還山衝出岫閒雲石故輕盈燕疑琢成豈壼山  
開之而孕豈箇狄吞之而生紫玉屏間乙乙青泥壘畔  
庚戾鷁避六而風翻星竇雀添五而鈎正衡平羌莫辨  
其是真是幻又何論乎宜雨宜晴別有樓上望夫機頭  
送客玉夢投懷蠟粧覆額蟄諸井底女媧小補兮天穿

浮在海中精衛遠銜兮地隔曷若清虛之府智鳥意而  
維茲安樂之窩愛廬吾亦况乎背則西吸石孟尾則北  
縈石鼓埭鳴雞而石門開松化鶴而石林舞烏衣園地  
小如拳玉帶生身輕於羽亦何異來從天竺逐靈鷲以  
凌風飛向零陵類商羊之知雨也哉

天美遺集

六



遠風乘雨青雲到曉前年之雨山岳  
小欣幸玉帶生身輕於羽亦何異來從天竺逐靈鷲以  
凌風飛向零陵類商羊之知雨也哉  
蓬石鼓埭鳴雞而石門開松化鶴而石林舞烏衣園地  
小如拳玉帶生身輕於羽亦何異來從天竺逐靈鷲以  
凌風飛向零陵類商羊之知雨也哉

擬庾子山小園賦

以鳥多闕眼花  
隨四時爲韻

爾乃結宇城西架軒林表疊石爲山疏泉作沼一榻風  
清半簾月曉魚鱗瓦低蚊曉巢小時看庭外飛花忽咎  
窗間了鳥則有芳園可託涉趣頻過雜花幾樹好鳥羣  
歌忘憂非館安樂有窩傍水二分之竹攀垣數尺之蘿  
便覺歡情自暢勝景偏多日薄遙山飛雲乍還鴉團團  
於矮樹松翳翳於前關廊則十步五步徑則三彎兩彎  
人外兮洞天忽闢壺中兮日月長閒羌宜春而宜秋亦  
無冬而無夏仲蔚之宅誰尋董生之帷未下琴無絃而

天美遺集

七

效陶屐有齒而懷謝當年晏子之居此日蘭成之暇於  
是觀景物惜年華攜老幼雜喧譁短童展畫稚女檠茶  
書藏繁露酒釀流霞匪少文之臥室類通明之移家林  
有忌機之鳥砌餘解語之花况乎團蕉可擁抱甕能怡  
幼安以藜牀自適中散以銀竈爲宜豈必侈南陽之富  
宏西漢之規緣墀廣裘青瑣歲蕤杯盤就列而笙樂相  
隨一從冠劍南遊軒車北至紅樹縈懷白蘋增思菜一  
畦而徒寒葉半牀而不寐小吟則客路三千小別又風  
番廿四何如小樓對酒小几敲詩悅小桃之初放見小



鳥之橫枝雖小齋之寂寂亦小住以熙熙感歲序兮未  
晏知行樂兮及時

天美遺集

六



天美遺集

鳥之橫枝雖小齋之寂寂亦小住以熙熙感歲序兮未

碧筩飲賦

以河朔避暑爲  
碧筩飲爲韻

招涼館啓消暑灣過林幽日澹院曲風多三分淺水萬  
柄高荷翠蓋亭亭低承玉露紅衣冉冉淨映銀河事話  
前賢人稱公慙休沐餘閒納涼頻數葛中漉酒小榼親  
攜藕節如船輕撓慣權池無事而常臨醉何人而待捉  
度采蓮之一曲清歌妙擅唐西張雅宴於三洲逸興盛  
傳河朔裁筩製巧翦葉心勞龍蟠屈曲象鼻周遭簪鋸  
好試硯格還操倘遇劉伶應將鋪荷如招蘇晉定愛禪  
逃荒沆漑之可餐復精英之能咀旣已謝夫青瓷偏宜

天美遺集

九

供夫綠醕持竹根之盞不必貽予對桃核之觴何須命  
汝但覺彎彎吸處快如曲水流柘旋看習習涼生詎假  
靈珠辟暑綠沼花時青茄乍披紅英莫擷白墮偏宜縹  
韜凝香宛截竹筠之管翠雲自冷休訛蕉葉之危維碧  
筩兮可愛而不飲者胡爲別有花下留賓水邊勸客金  
尊却黃玉學辭白雪藕調冰行觴列席杯在手而蓮子  
爭傳辨支頤而芙蓉可摘豈若此貯幾瓊之寒泉瀉一  
枝之嫩碧於是傳日下遍都中尋勝會慕高風沉李浮  
瓜不羨南皮酒美推襟送抱莫教北海樽空異剖竹以

分符水供蘭若比取泉而剝木酷滿郛笳酌言嘗之斗  
覺涼甚清味沁心脾寒冰凝簟枕主人已醉客言歸明  
日花間重對飲

天美遺集

三

日花間重對飲

言窮詩辭知此心剝寒冰凝簟枕主人已醉客言歸明  
日花間重對飲

蓄菜賦

以小園除雪得春蔬爲韻

老圃煙昏荒陸霜曉蝶飛影稀雞啄聲悄納稼餘閒滌  
場纔了菜甲堆籬園丁荷篠我有旨蓄禦冬之術偏工  
雖無嘉穀佐食之功不小則有夕陽野巷流水荒邨因  
依柳郭棲託柴門闢竹百弓之地低桑五尺之垣趁農  
人之暇日荅圃客之清言莫笑腐儒之餐但供草飴待  
果老親之腹暫假唐園春雨晴餘青芽漸舒紛披町疇  
再拂溝渠灌園自給帶經而鋤每飯不忘剪韭之高風  
未逸咄嗟立辨剝蔥之逸興何如豈必命芟夷於旦夕

天美遺集

三

任充斥於堦除一畦盡取而兩甕先儲及夫壺蔓斷而  
風淒豆棚傾而露結相逢挑菜之津早過采蘭之節免  
葵燕麥看花誰復重來白苣黃瓜上市已成往說流光  
易逝菘晚知秋卒歲宜謀蕪香耐雪於是課傭工趨婦  
職擔塿東納牖北蔬筍堪資齏鹽必飭青絲縷切爨婢  
營營緹室重封園官亟亟藏之久矣何虞需之不時歸  
而謀諸毋使求之弗得爾迺圍鑪送煖着屐沽春堆盤  
甘脆入筯鮮新乃其有備雜然前陳玉版之苗逾美金  
釵之蕻可珍始知齧斷菜根是布被眠雲之侶回憶送

來菜把有茅檐詠雪之人方今

聖天

子禮隆釋菜薦重嘉蔬廣齊民之要術蒐種植之遺書

卽看苜蓿盤中別饒滋味早識莘蒿歌處爭效樂胥又  
何事取給三餘只羨元修之圃興懷六利徒瞻諸葛之  
廬也哉

天美遺集

三



聖天

子禮隆釋菜薦重嘉蔬廣齊民之要術蒐種植之遺書

卽看苜蓿盤中別饒滋味早識莘蒿歌處爭效樂胥又

何事取給三餘只羨元修之圃興懷六利徒瞻諸葛之

廬也哉

來菜把有茅檐詠雪之人方今

漢太始三年行幸東海獲赤雁賦

以殊翁雜五  
采文爲韻

原夫穆騁鉞山狡狴絕塵於地軸禹遊淇海鷓鴣展翼  
於天衢赤鳥示流屋之祥皇王受籙赤雀表銜禾之異  
神聖膺囿百靈效順千載同符盛治配乎五行徵禽可  
感休徵協夫庶彙應運無殊逮流傳於西漢紀嘉瑞於  
東隅蓋昔漢武之太始三年豐功茂駿泰運麗鴻鳳歷  
改朔馬首欲東於是拋羽衛啓璇宮六龍銜壁雙鳳翼  
銅鸞輅就道翠旗蔽空三百昭赤芾之容羣材扈蹕八  
千會赤旌之衆萬國從公當年青鳥傳書恍遇西池王

天美遺集

三

母此日碧雞初賦還尋東海仙翁則見六鴈羣飛五采  
相雜紛紛而陣影遙分一一而鳴聲互答羌臨水兮蹠  
蹠復銜蘆兮合沓赤爲火德知靈運之必興鴻者大名  
與皇圖而適合泛洪濤於赤岸漸看儀羽於遠瞻員嶠  
之赤霞疑是題名於塔偕鴈使以來歸共鴈臣而獻納  
斯時也校獵餘閒修翎共覩鳥草鞏飛上歌下舞命典  
樂於靈夔藉審音於神瞽理鴈柱以調箏隨鴈行而奏  
鼓赴節諧聲按班就部莫不謂丹山之鳳且遜其文章  
青海之禽獨標其毛羽匪獨誇夫航海梯山而直頌夫

登三威五別有獲磨靈時美彼白章獲鼎汾陰嘉其文  
采篇章屢諷於詞人進獻偏工於察案豈不與海魚並  
誣天馬爭給况乎玉露未零金莖徒在黃芽姹女丹九  
轉以難成綠萼仙人酒三巡而莫待始覺駟牙齊齒建  
章之白櫟何靈從聞麟趾褻跪泰岱之黃金乍改孰若  
我

皇上異物不貴正供是勤以人爲瑞所寶唯文貢珍却乎重  
譯焜耀在於典墳時則

龍墀煙靄

天美遺集

吉

鳳閣香薰鵷班有序鶴立成羣藝苑蜚聲瑞繞三珠之  
樹詞林振采祥開五色之雲

皇文曰辨百靈發開維靈真調泰岳之黃金中效  
神以異定慈萬曲人醉三巡而莫待始覺駟牙齊齒  
誣天馬爭給况乎玉露未零金莖徒在黃芽姹女丹九  
轉以難成綠萼仙人酒三巡而莫待始覺駟牙齊齒建  
章之白櫟何靈從聞麟趾褻跪泰岱之黃金乍改孰若  
我

嘉慶庚辰春大宮贊書農胡大宗師奉  
簡命視學皖江文昌六星詞曹出使起居八座  
母來賓施節黨前板輿御後適姑熟之館詠皇華之篇  
有那其居乃安斯寢則見軒榮嘉樹愛畱南國之棠砌  
茂壽護瑞應北堂之草蓋前督學端厓秦公七年教澤  
兩奉慈幃勝此高堂紀其盛過者也豈知帑鞞晝錦皆  
鸞坡鶴禁之名臣鞠履斑衣並雪白藹薰之上哲輝映  
後先若合符節者乎蓋 大宗師下車之日正 太夫

天美遺集

三

人設悅之辰杖

朝先命婦之班扶鳩安穩躋堂獻延齡之酒稱兕懽娛  
廻啓庭軒廻開園圃其中則林亭幽邃池沼清華山靜  
懷仁石堅抱璞脩竹千挺古梅百株涓涓引難老之泉  
鬱鬱森恒春之樹於是陳冰桃與雪藕奏瑤瑟與瓊瓊  
綸翟旣臨絲衣斯舞介眉羅列點領頻仍洩洩融融樂  
可知已爰追芳軌命曰頤圃夫名考禮經期頤有百歲  
之祝義通易象觀頤有養正之規書傳洗映用養則酒  
取其清詩補循陔戒養則華侔其潔頤神養壽得其道



矣抑知享年者在無逸多福者必自求方 公之勵志  
芸臆也就將勗學須捷棲貧門抄雜寶蓬蒿不翦家無  
長物蔬菜徒繁而太夫人則杼機軋軋井臼勞勞鴻  
案齊孟光之眉熊丸成仲郢之志及公登左榜而看  
花得意名屬龍頭入直廬而視草從容  
詔知鳳尾蜚聲槐閣聯步桂坊鮮不待封何來官物烏  
還就養克盡私情又况均荷

恩榮

絲綸丕煥躬膺

天美遺集

三

寵命衡鑑高懸奉檄遣征爲 親色喜作歌來詒將

母言歎斯人生之厚幸大慶亦古語之信而有徵也而  
公則有憬然思畢然冀者古歡堂之遺稟手澤猶存  
翰軒錄之新編頭銜未改爲望雲而觸緒藉愛日以拊  
悅遙看牕外之天星輝寶婺同聽房中之樂曲記壽人  
所願推養志之衷宏養才之譽木上有火鼎養無愧乎  
大亨山下出泉蒙養更資於育德瞻此日陶鈞在宥漫  
稱蜀郡文翁冀他時紗幔前趨同欽韋氏宋母云爾

笑映中堂半香玉盤散香心自來

送呂荔村明府歸蘭陵序

昔靖州唐侯

琦

莅黟數月謝事而去邑人繪攀轅圖

時題詩者甚眾歌詠德政傳誦至今甚盛事也去年九

月詹侯調署鳳陽荔村呂太父師來攝篆召父杜母

竝著賢聲康叔姬公還徵妙喻繼高踪於往哲煥下邑

之新猷汪君奉作宰之區

遠祖道猷公仕晉為黟縣令黟令可考者自公始

姑公立功之地

劉宋時為黟縣令殺賊有功工文則才儲八斗如逢

東海舍人

何公思澄東海剡人梁東宮通事舍人出為黟縣令博學則書富五車

不數南朝咨議

庾公仲容梁咨議參軍出為黟縣令 贊賦平而嗣適又至

天美遺集

三

唐薛公稷字嗣通為黟縣令邑人立祠祀之碑文福星

云贊賦平而邑里有草苦瘴息而山谷知謹云云福星

往而于駿重來

宋鮮于公洗字子駿嘗為黟縣令司馬光除為京東轉運使謂所親曰福星往矣

善政能聲今時袁李

唐李公于傳有能聲袁公

李公子吟治

鄰匪於黟山搭棚燒 昔日吳胡

黟亦多善政除奸禁醜

煤公下車即除之 宏獎風流

屏踪胡公應詔政令嚴肅

強暴安善良 廷傑建碧陽

墨嶺更彰治績振興學校碧陽重樹規模

明邑令謝公

書院嘉慶戊辰吳公向華重建規條具備

積久斲生公至革除陋習籌畫盡善 寒士觀廣厦

之成

請移常平倉於舊址即其地建 聞望與四賢竝重

明邑令杜公銓劉公檟魏公元吉周公

造考棚刻期告竣民皆樂勸 信史續汗青之

舜岳皆多善政邑人合祀之稱四賢

業後先共五志俱傳

明邑令陳公九疇創修縣志朝寶公士範王公景曾孫公維龍

國

吳公甸華踵成之

公復加修輯以補吳志所未備

洵乎總才德而兼優合古今

為一致矣假令琴堂之治收效於期月輿人之歌誦功

於三年則桃李滿城士風丕變禾麻被畝民志日淳市

無飲水之羊野有馴桑之雉又何止郭王葉戴之寬厚

訟簡刑清

明郭公衡山王公虎王公時中葉公越戴公洪謨皆黜賢令

周耶朱張之

嚴明民安吏服也哉

元周公希濂明耶公諒福朱公世平張公昌亮

國朝張公維光宰

黜多

政績豈意甘棠偲慈竹驚摧

夏初家書至審知太恭人卒遂解任蔣

越境上書方期借寇

今春將任桐城紳士赴撫轅呈狀請留

詰朝聞訃莫

天美遺集

天

望畱姚閉袖一編王明府之高風可接

明王公家光知縣事因陳志

續纂成編又著政績議畧鄉約事宜諸書

敝衣兩篋屠大尹之清節同推

明邑

令屠公存仁去任時惟敝衣兩篋

蓉湖梅塢之間望白雲而自遠樵谷

桃源之外指綠水以將行魚泣哀而弔鶴臨驪歌急而

飛鳧縱何秦無奪情之望

明邑令何公亦尹國朝秦公士偶俱以憂去士民惜之

徒繫去思

明邑令董公復擢御史去民懷其德作去思亭陳公正謨趙公三極及

國朝李公魏去宋邑令汪公解明

任皆有去思碑

汪董有保赤之恩唯當尸祝

董公與邑人皆主

祠祀於是士民擁鐙童叟遮輿觀者塞途頌聲載道踵

當年之故事為今日之美譚繪圖在幀題詩滿冊視唐

侯之去有加焉鍾忝居紳士後鴻軒待舉御李無緣龍  
門可登瞻韓有願而乃荷旃幪者半載暫駐行旌促車  
馬於崇朝又逢祖帳難畱轅轍不勝雲山矯首之思敢  
竭芻蕘聊寫灑岸攀條之慕遙想黃堂惜別均賦草蟲  
介弟主政公現爲瓊州太守何當花縣重過爭迎竹馬

天美遺集

西湖獲鹿歸祝從叔松泉六十壽啓

伏惟公堂介壽饗朋酒者曾賦羔羊諸父來賓求友聲  
者亦陳肥羜迺鳩策異鄉之杖方思几奉而從而蚨分  
釀飲之錢忽類鹿銜以獻此角仙應壽星之次而芝友  
爲人瑞之徵也我叔天上石麒麟中文豹幼非無慧能  
知稱象以船長更不癡豈復謂駝爲馬六十爲下壽躋  
上壽家有嚴君百年日期頤觀朶頤事勞弟子自昔牽  
牛服賈從兄修洗腆之儀祇今酌兕開懷猶子篤留棋  
之好悅虎林之勝地揮塵柄以清談

鍾

則株守兔而不

天美遺集

三

逢牢亾羊而莫補敝貂裘於卽次閱禪房而花木俱深  
藉狐館之末光開別室而竹林並韻茲偶騎驢湖上蕉  
葉同酣放鶴亭邊梅花共笑見兩獵者攜一譽來尾長  
若斧足短如犬傾囊買得物殊腥膻之珍打漿迎歸禮  
重儷皮之餽援潘黨之故事緬張仲之和風雉羹待彭  
祖而斟臠脯先蔡經而進尙憶筵開湯餼戒以寫弄麀  
書倘可銘在鼎羹文云用斬麀壽謹啓

大封公堂介壽饗朋酒者曾賦羔羊諸父來賓求友聲  
西湖蘇與張蘇外林松泉六十壽啓

與七兄秋圃乞茉莉花啓

楊隔東西久失荆花之樂李逢春夜還追棣萼之歡偶  
因風雨以對牀時過池塘而入夢愛鮮紅之猩血同賦  
薔薇侔雅素之佛衣獨吟茉莉莫比海棠雖盛不傳子  
美之詩自知鱗爪何庸先閣樂天之筆兄以茉莉花詩  
索和予未暇應  
故云茲則蕭齋對景蓮沼臨風未獲此君孰彈琴而長嘯  
惟思遠客聊醉月以坐花勝夜合之輕盈暗香乍透較  
秋容之雅淡炎氣全消珠合讓以招涼犀且輸其辟暑  
勿以曲高寡和并思求取之瑕疵應教春焙旋熏無致

天美遺集

三

差池於臭味謹啓

思家題之

時容之雅淡炎氣全消珠合讓以招涼犀且輸其辟暑

惟思遠客聊醉月以坐花勝夜合之輕盈暗香乍透較

秋容之雅淡炎氣全消珠合讓以招涼犀且輸其辟暑

勿以曲高寡和并思求取之瑕疵應教春焙旋熏無致

差池於臭味謹啓

思家題之

時容之雅淡炎氣全消珠合讓以招涼犀且輸其辟暑

謝莫階三弟惠桃花米啓

白雲洞口多是良田紅雨溪頭別留嘉種光含灼灼餐霞而金穗霞蒸朽類陳陳吸露而瑛盤露結耦耕於問津之地升穀於改火之天二十石遺自彥昇三千年偷來曼倩詠香稻紅蓮之句陸氏籬東聆白鹽赤米之談周家竈北僕瓶無儲粟甌屢生塵浴佛會中空懷黑黍遊仙枕上不夢黃粱山入天台孰餉胡麻之飯湖開員嶠徒滋玉粒之禾何曾到武陵源設酒殺雞作食宛似遊元都觀兔葵燕麥搖風指一困之雅事難逢與五秉

天美遺集

三

之高朋罕覩自分食塲苗於空谷莫肯繫纜咽井李於於陵幾無聞見安敢羨冰泉香處炊成火齊之珠飴粥冷晨煖以時和之燭也哉今則乞米之帖未屬於魯公而投桃之詩迺賦於衛國藉新安之物產締舊好之神交色香味俱佳胡奴乍送安信懷有志數口無饑德飽膏梁仁周菽粟丹包初坼澤以渥而流丹錦浪漸生囊爲傾而碎錦記叱犢在放牛之野奚分老圃老農知秣駒非牧馬之封豈復避人避世從茲擯其華而掇其實飯煮二紅正值斗之轉而星之流雲望三素謹啓

謝姊陳夫人題筵小照并答索觀拙集啓

姊名玢字孟文

適錢唐陳孝廉扶雅

伏惟詩成織錦天孫傳乞巧之鍼文著上樑月姊度翻新之譜天地靈淑之氣偏鍾婦人閨房秀逸之才每勝男子遂使繡聲佳句韜玉驚奇采筆工書右軍取竊大家重成兄史文姬口授父書博學者旣號先生能文者亦稱進士然第各名一藝未必兼擅三長吾姊夫人以祥麟威鳳之姿挾繡虎雕龍之技天資穎悟家學淵源風雪庭中語會詠絮雲煙紙上格是簪花記室翩翩經天美遣集

三

畬漠漠陸家父子難爲遜抗機雲謝氏弟昆不數封胡羯末卓哉師表允矣女宗不但鴻廡蘆簾孝廉克諧嘉偶熊丸荻畫茂才助教佳兒已也某本本同根水流別派少居黔北早耳芳名長遊浙西常瞻妙翰爭刮目以相待愧掃眉之不如所恨泥爪偶畱萍蹤靡定望門牆而不見奉機硯以無由癸巳之秋七月之望過秋聲館從令弟談得敘親情雅聆清誨誦君七字陋媿好執扇之詩索我全編重馬卿長門之賦豈知臺懸明鏡易判妍媸集託香奩自分眞僞相逢別欲相識所見不逮所



聞某才無鞵線之長質似鉛刀之鈍入塾則粗能識字  
趨庭則強學言詩蘭成射策之年師悲伯姊終軍棄繻  
之歲教失慈親加以鍛羽秋中斷腸春暮柳皇歧路絲  
絲葛藟之吟零落交親習習谷風之詠蓋篋之遺衣已  
盡正賦悼亾做廬之環堵徒存難言歸隱取諸懷抱形  
爲嘯歌語假雕蟲情深刻鵠模山範水聊以自娛友月  
交風不堪持贈或借酒栢而澆磊塊或學鼓吹以助休  
明寄懷於香草美人良有以也寓興則空花幻果其誰  
知之他如場屋之文時來或有應酬之作所在爲多諛

天美遺集

書

墓無金貯囊匪錦棄我去者豈惜其遺香韞而藏諸非  
珍其做帚朋友共憐委脫弟姪競效濡毫繕寫未工舛  
訛不少敢傾葵藿藉用周咨賜覽荔蕘無嫌唐突得班  
門之斧則樛櫟皆材入和氏之籠則豨苓並貴若許妾  
其蕪穢餘以菁華則繡出鴛鴦金鍼早度集成翡翠玉  
尺堪量行將傾琳宇之觴奉雪藕冰桃以爲壽刻仙壇  
之記合雉膏麟脯以傳觀矣某無任激切虔懇之至謹

啓

啓  
天美遺集卷之五  
書

賀王味雪新婚啓  
蓋聞三星在戶良人廣邂逅之章九月授衣君子咸同  
歸之詠卜鏘鏘於鳴鳳五世其昌賦關關之雎鳩一門  
起化禮從其朔文定厥祥以篤彛倫以延似續非直爲  
閨房之愛牀第之歡也古之碩女旣重夫相敬令之吉  
人亦皇然求助雍雍乎肅肅乎鼓鐘琴瑟樂意相關孝  
友睦嫺賢聲並著若我友某某瑯琊舊族珠樹名流坦  
腹東牀右軍曾稱快婿將鬢堂上新婦亦有佳兒烏衣  
之後實繁鸞嶺之枝逾茂挾企研七尺遠汎五湖托吳  
天美遺集

三

市一廛居傳三世簾金弗貴萬卷貽謀席壁堪珍連城  
待價想其長庚夢李筆底生花太乙然藜閣中起草學  
如出口固漸進乎高明文似湧泉匪易窺其涯俟豈必  
班聯玉筍始慕登科卽看鏡兆芙蓉已知及第時則重  
陽帶閨小雪回春樹盡含胎花纔綻萼銅溝水煖雅憑  
紅葉爲媒玉杵風和巧借元霜作合美哉王郎年少之  
子于歸允矣吾家女宗嘉耦曰配冰人致語迨冰未泮  
以告佳期月老傳書彌月不遲而占吉夢從此蘭階秀  
而蓀長桂殿香而子繁挽市上之鹿車洗腆介其眉壽

解庭中之麟紱隨行攜彼髫童斯則有室所必先而亦  
齊家所由始也某同居兩浙迥隔三吳幸得瞻韓輒思  
訪戴望衡對字未申桑梓之歡負笈尋師幸入芝蘭之  
室愛客則危樓百尺論文則清酒一尊杖杜之情既深  
木瓜之誼逾重轉眼桃花水上汪倫已送行舟回頭楊  
柳風前王恭如親顏範爰製催粧之句聊充雜佩之儀  
裝璜瑁以猶慚報瓊瑤而難罄所喜雞鳴昧旦佇聽金  
闕曉鐘敢誇雁奠初昏早序玉臺新詠謹啓

天美遺集

美

以文家塾募置惜字會疏  
蓋聞河圖演畫乾符昭易策之光星象含章文曲闡奎  
躔之度眠龜紋而制字韻皇與維水爭奇依鳥跡以成  
書沮誦爲彭城投法遂使寶荳華之刻未燼秦灰珍宛  
委之藏猶留魯壁後之作者代不乏人積案盈箱處處  
侈曹倉之富汗牛充棟人人誇鄴架之儲鈔胥之手未  
停剗刷之工大起矧若秦篆漢隸不少臨摹晉草唐眞  
偏多卷帙非特供玩好也文明漸啓聖教彌彰世道人  
心胥由升降字之時義大矣哉柰何取之若珠玉棄之  
如泥沙或用覆瓿或教餽壁甚且投之地下遺於溷中  
蠹魚不食其餘黠鼠難滅其跡此虔奉

天美遺集

三

文昌帝君者所以傳敬惜字紙之言也我輩得與斯文  
必因先覺攬數千年之著作嘔出心肝合大九州之精  
神寄夫毫翰何忍視如敝屣聽彼殘編文冢誰封錢神  
自守乎爰徵多士推廣此心塾會以文  
神依司命鑪中安火分北斗之餘輝紙落如煙望東流  
而遠送然必學蠅鑽而尋故紙搜羅專任傭工勤鳩集  
以貯都籃會計永觀成效豫則立不豫則廢徒法不能

以自行有恒產者有恒心無財不可以爲悅苟非阿其所好何妨善與人同待他日積流成川願諸公投華滿鉢欲速成則雪領百鑿圖久遠亦日捨一錢以助風流以資火化倘獲吉光片羽定收紅羊換劫之遺何須寶塔石幢爭造白馬馱經之藏謹疏

天美遺集

募修羊棧嶺路疏

在昔山名闢崛一梯通忉利之天園號給孤七寶布留  
璃之地是以每逢險道便作化城欲渡迷律先開覺路  
然將鑿岷蜀移太行闢鳥道之一條平羊賜於九折則  
必命二子以輦石駟五丁使鞭山爭四萬八千歲之功  
立一百億千金之願猶不免受誣於說客貽笑於愚公  
而欲方便力行圓成功德難已若夫十里五里入山出  
山高無千百由旬近在尋常蹊徑千重丹嶂已累平階  
半塢白雲還憂失路難行如羊棧之嶺脚善願亦象教

天美遺集

三

所關心敢求灌佛而現身復因憫人而饒舌也此地北  
控宣池東通休歛輪蹄絡繹石棧鈎連三宿空桑趣小  
奚而不進一肩行李隨褰衛以俱來行犖確而徑微披  
荆榛兮路礙仰窺絕壁危若懸鈎俛瞰迴溪疾如激箭  
加以櫛風沐雨齧雪飲冰疲此子於律梁苦何人之行  
脚行不得也徒衝滑滑之泥來何遲耶實窘珊珊之步  
其險也若此人歌行路之難不行兮夷猶有作窮途之  
哭客胡心而失足佛或忍而捨身用是合十唱緣繞三  
頂禮願導師之舍寶俾懶殘以開途一朝推平嶺之心

千載感周行之惠功非成於子子共欣除九結而破十  
纏石盡補以庚庚行見騁六通而乘五行作安穩想福  
匪唐捐生歡喜心仁能周遍庶幾檀施此日類寶增之  
合尖準擬果報他年看青雲之得路謹疏

天美道集

早



題鍾進士出遊圖

一聲爆竹先走山獠幾盞香蒲乍逢酒鬼欹斜烏帽儼  
然努力降魔疊堞藍袍勢欲摩牙吮血譏出山爲小草  
遇捷徑之終葵假進士聲名鬼應可嚇託元宗噩夢神  
恍能憑姑妄言之難認真也始見燕公之表不知孰以  
圖傳遂沿爾雅之名欲問誰因椎誤弱肉強食塗獅自  
解辟邪見少怪多懸鱗亦堪已瘡矧若神茶鬱壘並耀  
門楣亞子遠霄俱留畫本借山神之伎倆隨意匠所經  
營怪怪奇奇何妨游戲齟齬齧齧所在臨摹變態無窮

天美遺集

五

奇形迭出當年發怒曾殘罔像斐魑此日追隨不數游  
炎楚仲髣髴金人之劍共寶于將付與力士之鞞同誇  
吉莫供宜肉兀且休得坐之罍對此酒壺那管流涎之  
口大跳梁而小哭矣下策斯用火攻後蔽竈而前場之  
上座不令車送窮形盡相衙子思精寫照傳神吾家墨  
妙族叔榜夫所作想其搜神不較說鬼偏工夙抱鬼才欲驚長  
吉難醫鬼証尤似改之奮筆則疾若畫符多知則紛如  
點簿髭鬚共頰頤別佳文樹之面孔偏奇落霞與孤鶩  
齊飛子安則吟魂就正顧乃貧方有命思役使以何從





祭孫雪客

青錫

文

嗚呼洪遣丹井喬降玉棺消搖人外縹緲雲間修道全  
眞誰能免此委蛻一時耀靈于禩吾儒立命戰戰兢兢  
生存順受沒世名稱繁古聖賢自求多祐不朽有三考  
終惟五胚胎淑氣鼓盪淳風江東獨秀又見我翁維翁  
德明克生澤國霽水之東峴山之北侶三珠樹森列庭  
堦龍頭首出鳳翼先排鬣亂從師天姿穎悟雪案劬書  
霞城鍊賦伐木斯詠遷地才長蜚聲翼序馳譽錢唐腹  
笥五經宵羅七尺積軸緗青熬波鹽白太邛長者二子

天美遺集

望

相從薰篋和協泮壁雍容子又生孫孫又生子繼繩  
繩書香不已婚嫁既畢髭鬢攸宜優遊杖履宴衍盤區  
翁以何修而獲天眷孝本性成交緣情見賙卹九族散  
瞻六嫺制事以義處心以仁言必由衷交不怠舊儉約  
資廉安閒養壽廣搜四部旁覽百家歧黃瓊瑤窺測靡  
涯碩德隱居移風化俗長嘯高蹤枕流芳躅勁若霜柏  
和若春雲眉壽無害人胡不云云胡昊天不憖遺老極  
目蓉城歸神蓬島辰逢太歲丙隱壽星感均頑豔氣合  
英靈寂寞湖山蕭條館舍陰陰遠春杳杳長夜葭苒末

誼夙證神交雖無旨酒亦有薄肴于以奠之兩楹之際  
髣髴幽光歆予椒荔尙饗

天美遺集

仟壁雍容子

先

四

吳越國公府中丞

吳越國公府中丞

天津市新华书店反印

书号

册数

定价

1  
80

